

30  
24  
SELECTARVM QVÆSTIONVM  
PHILOSOPHICARVM

DECAS TERTIA,

*Quam*

D. T. U. A.

*In celeberrima Wittebergensium  
Academia*

Sub Præsidio

M. SIGISMUNDI EVENII,

Navena-Marchici Amplissimæ Facultatis Phi-  
losophicæ Adjuncti,

*Liberalis Exercitij, & veritatis indaganda gratiâ  
placida collationi subjicit*

JOHANNES NICOLAI, URA-  
TISLAVIENSIS.

*Addiẽm VI. Augusti, horis & loco consuetõ.*

---

WITTEBERGÆ

*Ex Officina Typographica Andreæ Rûdingeri.*

ANNO M. DC. XII.





# VIRIS

*Integritate, Authoritate, Humanitate  
Præstantissimis, Spectatissimis.*

Dn. IOHANNI Nicklas.

Dn. NICOLAO Puschocken.

Dn. THOMÆ Grun.

Dn. GEORGIO Knecht.

Dn. MARTINO Berschdorff.

Dn. IOHANNI Klosen.

*Civibus inclytæ Uratislaviensium Rei-  
publicæ laudatissimis,*

Dn. Parenti, Agnato, Affinibus suis  
maximè suspiciendis

*Decadem hanc Philosophicam*

*Apertissimum grati animi monumentum,*

*Observantia non tralatitia documentum*

Dicat, dedicat

*Johannes Nicolai Author &  
Respondens.*



## PRÆLOQUIUM.



*Renunciatum illud Nazianzeni in disti-*

*chis: πρῶτον τάξις, servetur ordo, cuiuslibet operi manum  
adhibenti sonare cum debeat: Τάξις δὲ ἀρίστη πάντως ἀρ-  
χομένῃ, καὶ λόγῃ, καὶ πράγματι, ἐκ θεῶ ἀρχεσθαι, καὶ  
εἰς θεὸν ἀναπαύεσθαι: ejusdem Nazianzeni Apolog. 1. vel*

*ut pereleganti comprehendit disticho Ioh. Posselius in Regul. vitæ  
Regul. 4.*

*Τάξις ἔσθ' ὀρεσζὴν καὶ πράττειν ὅτιν δέισιν,*

*ἐκ θεῶ ἀρχεσθαι, ἐν τε θεῷ τελέσθαι:*

*Ordo dicendi & agendi sit optimus, à DEO incipere, inq̃ DEO de-  
sinere: & ego, dum dispersum rationis humana campum in paucas sed  
firmas decretorum glebas conlegere aggredior, Zach. Viotor differt.  
Topic. 1. ab ipsa Veritate, quæ est ipse DEUS, πρῶτως exordior, exorsus  
ab ipsa cum B. Fulgentio ex lib. 1. de prædest. ad Mon. pag. 8. de-  
votè postulo, doceri multò plura quæ nescio, à qua accepi pauca, quæ scio.  
Ipsam rogo, ut, quæcunq̃ salubriter scienda nescio, doceat me: in his, quæ  
vera novi, custodiat me: in quibus veris titubo, confirmet me: in qui-  
bus ut homo fallor, corrigat me, & à falsis ac noxijs eripiat me, ut in co-  
gitationibus ac sermonibus meis, quod salubriter donat, inveniat, & ea  
de ore meo procedere faciat, quæ sint coram ipsa principaliter grata, & sic  
fiant cunctis accepta.*

*Oratione, nuncio illo fidelissimo, pramisso & emisso, ad radicem sine  
ulteriore mora securim ponimus, id est, institutum nostrum recto pede  
adimus, & proponimus.*

### Problema I.

#### *Quenam Logicæ vera divisio?*

*D*igladiantib. adhuc inter sese Philosophis de vera Logices divi-  
sione prius, antequam nostram Peripateticam proferamus, ut &



# D E C A S

*apud Aristotelem in more positum est, placet aliorum divisiones in aciem producere, productis, unamquamq; repetitâ perpenſione examinare ad Lydium lapidem, aut ad incudem, aut ad ignem, id est, ad reflexionem rationis, metallorum more, quorum probitas illis legibus tribus exploratur, docente Scal. Exerc. 307. sect. 5. & tandem dubitationis solutionem, qua veritatis est inventio Aristoteles 7. Eth. cap. 4. adicere.*

*Alij ergò, at quàm convenienter, postea videbimus, dividunt Logicam in Inventionem & Iudicium alii in Analyticam, Topicam & Sophisticam: alii in definitionem, divisionem & Argumentationē: alii in utentē & docentē: alii in naturalem & artificialem: alii aliter, quarum plures quidem prolatas, paucas verò probatas reperies in Keckermanni præcognit. tract. 3. c. 2. Regio lib 1. disq. Logic. quæst. 5. Hippius in Problem. Logic. quæst. 6.*

*Nos presentes modò considerabimus: ubi prima statim καλὸν & ἐνημα, vitiosissima scilicet. omittit enim 1. materiam Operationis Logicæ Categorias. Consideratio autem materie est pars propria Logices: nulla enim ars operatur in ignota materia. Negligit 2. Structuram Syllogisticam, quæ neq; ad Inventionem, quod conceditur, neq; ad Iudicium referri potest: non ad Iudicium, quia 1. diversæ sunt operationes, construere Syllogismum, & judicare de jam constructo; nisi forsan illi Iudicium & Structuram Syllogismi promiscuè pro uno & eodem sumunt: verum non quid Iudicium, sed quo jure vocent, queritur? Exempli gratia, res diversissimas, Leonem & Asinum eodem nomine appellare non licet.*

*Ordo præposterus est, priori semper loco de Inventionem, posteriori de Iudicio præcipere: quoniam communia specialia debent precedere Zabara. de constit. scient. Natural. cap. 23. & communis forma alicujus artis prius concipi debet, quàm ad hanc vel illam materiam accedatur, ut*



## T E R T I A

tur, ut Exemplo Iudicis ad causas dijudicandas non accidentis, nisi prius mente concipiat facultatem & ideam iudicandi: & Sutoris ad calceos conficiendos non se accingentis, nisi prius eorum suendam rationem edoctus, fusius illustrat Casp. Bartholinus in suo Ianit. Log. 1. de Nat. Log. theorem. 9. thesi 5.

Excluditq; nobilissimam demonstrationis doctrinam, aut diversissimos tractatus turpiter confundit, Apodicticam & Topicam, in quibus cum res planè diverse contineantur, utiq; nec unū eundemq; tractandi modum admittent.

Floccipendit 4. Sophisticos Elenchos, minimè floccipendendos: Non enim satis, quid sequaris, nosse, nisi etiam, quæ fugienda, cognoscas. Quàm verum enim est, quasdam in natura res re vera tales esse; quasdam a. tantum tales apparere, & Φαινόμενα ἐνδοξα esse: tam necessarium est Logico, cum contrarior. eadem sit ratio 1. prior. 1. & contraria juxta se posita magis elucescant lib. 1. Top. c. 8. lib. 3. Rhet. c. 4. & lib. 1. Elench. c. ult. non tantum in ἐνδοξοῖς quæ re vera ἐνδοξα sunt, exponere & confirmare, sed etiam, quæ & Φαινόμενα ἐνδοξα sunt, persequi.

Secunda totam illam partem, quæ de Syllogismo generaliter tractat, aut omittit, aut non satis explicitè proponit, aut generalia cum specialibus commiscet & confundit.

Tertia etiam vitiosa est: 1. enim nulla ars in sua effecta & opera est dividenda, cum αἴτια non sit αἴτια τὸν. & retrò secundum Aristotelem lib. 2. magnor. moral. c. 8. perperam enim quis statuet partes Architectonica parietes, tectum, &c. 2. Simplicest terminos, propositiones, & id genus similia omittit, & alto silentio præterit.

Quarta ideò reiicitur, quia Logica docens & utens una eademq; ars est, licet diverso respectu sit docens & utens. Docens enim Logicus Rhetori proportionè respondet, Utens Oratori.



# D E C A S

Quinta deniq; vera non est : Logica enim ars semper significat habitum : Nullus autem naturâ datur habitus. Ergo etiam eo modo dividi non potest. Minor constat. Nam Logica naturalis, quando pro ea accipitur, qua est τῆ Φύσεως simpliciter, & non κατὰ Φύσιν, in nuda potentia est, & δύναμις Φύσεως in Categoria Qualitatis dicitur, quæ ab ἐξεί, ut species opposita & disparata discernitur : illa enim nobis cum nascitur, hæc verò crebris exercitationibus acquiritur.

Restat nunc, ut relictis & rejectis aliorum divisionibus nostram Peripateticam, eamq; veram Logices divisionem in scenam producamus, & obviis, quod dicitur, ulnis amplectamur. Dividimus proinde in partem Communem & Propriam, quarum illa communia formæ Syllogismi inservientia explicat, & libris Categoriarum, & ἐπὶ γενεάς, & prioris Analyseως absolvitur; hæc Syllogismi materia inservit, & in posterioribus Analyticis, Topicis ac Sophisticis traditur.

Cujus Divisionis fundamenta hæc damus : Quæ divisio & habitui, & præceptis ad habitum illum directis est conveniens, illa est bona : Atqui hæc divisio est talis. Ergo &c. Minor probatur. Syllogismus enim finis ille internus Logices eodem modo in disciplinis activis se habet, quo subjectum in scientiis. Vt itaq; scientiarum præcepta secundum ipsius subjecti naturam dividuntur; ita & Logica, ut disciplina activa & instrumentalis secundum finis sui interni naturam, nempe Syllogismi, dividitur. Syllogismus autem duplici venit consideratione: nempe generali, prout in sua forma & habitu consideratur; & speciali, prout certis & distinctis materiis applicatur hoc enim modo generalis illa consideratio limitatur & coarctatur : quandoquidem alteri mensura, alia debetur mensura, & quodcunq; instrumentum non tantum ratione causa principaliter agentis, humana videlicet mentis, sed & ratione materiae, quam tractat., considerandum est, ceteroquin Syllogismus in parte communi generaliter consideratus verum à falso discernere non potest.

Deinde



## T E R T I A.

Deinde & ipsius *subjecti* natura divisionem hanc suppeditat. Nam scientia perinde ut res secari solent, de quibus agunt, vel circa quas sunt occupata. Versatur autem Logica circa omnes res, quæ vel necessaria, vel contingentes, vel apparentes. Iam si præcepta Logicæ cum rebus illis compares, apparebit evidenter, alia rebus illis in unum esse communia, alia cuiusq; propria.

Atq; ex hoc fonte nostra hæc partitiopro manat: Quam & accuratissimi & oculatissimi Philosophi proposuerunt, inter quos primus Averroes in Proœm. in post Analyt. lib. 2. Metaph. c. 3. comm. 15. pag. 56. & lib. 1. Moral. Nicomach. c. 3. pag. 182. eandemq; nostro tempore repetierunt & retinuerunt Zabbar. lib. 2. de Nat. Log. c. 1. Flacius lib. 1. c. 8. & 9. Gregor. Horstius in Prodr. Instit. Log. c. 5. & disp. Log. 2. Iac. Martini in decade disp. Log. Publ. disp. 1. in Proœm. Instit. Log. c. 3. Iac. VVerenberg, disp. Log. 2. & moderni quiq; Peripatetici.

### Problema II.

#### *Prædicabilia an pars sint Logices?*

Cum nullum gravius vulnus artibus infligi possit, quam si ea intruduntur, quæ ab iis aliena & heterogenea: Ideò meritò & cum cura quidem, si non ingenti cum confusione, quod Physicum est, in Ethicam, quod Ethicum vel Metaphysicum in Logicam transferri, atq; ita Cælum terræ immisceri voluerimus, heic dispiciendum: *Ἀναγνωρίματα* seu prædicabilia pertineant ad Logicam, & ita essentialis pars sint Logicæ?

Nos veritatem dicentes, Categoriæ doctrinam, seu Isagogen Porphyrianam Aristotelicæ Logicæ partem non esse, sed Commentarium duntaxat & Introductionem quandam, ultrò largi-



*argimur ex ipsa inscriptione. Dicitur enim εἰσαγωγή ab eis in ἡ ἀγω  
duco: Iam Introductio in artem non est pars istius, inquam est intro-  
ductio. Subsumo: Tractatus hic Porphyrii est introductio ad Lo-  
gicam. Ergo pars eius esse nequit.*

*Hinc utilem quidem, non verò necessarium dicimus. Definitio-  
nibus enim instituendis hanc doctrinam plurimum inservire, vel ex eo  
liquet, quod omne definiendum sit Species: quæ si essentialiter definietur,  
per Genus & Differentiam definienda: si v. describetur, per Ge-  
nus & Proprium, vel communia Accidentia definienda. Ecce!  
vel in Definitionibus solus omnium Predicabilium usus elucet. Divi-  
sionibus etiam faciendis quantum conducatur hæc doctrina, quid de-  
monstrationi inserviat, imò quantum lucus adferat toti Logicæ bre-  
vitate gratâ taceo, & benevolum Lectorem ad Authores Logicos,  
plenius & planius isthæc omnia explicantes, remitto, in primis verò ad  
Porph. in Isag. c. 1. Arist. 1. Top. c. 7. & lib. 6. cor. c. 1. lib. 7. cor. c. 2.  
& lib. 8. Metaph. cap. 3. & Casp. Bartholin. in Ianit. Log. 2. de s.  
univ. sal. theor. 1. thes. 3. & 4. & alios.*

*Quod si Predicabilia non pro Isagoge Porphyriana, sed pro instru-  
mentis notificandi simplicibus sumantur, omnino Logicæ essentialia esse  
statuimus, quamvis fixam & certam sedem non obtineant, & ita par-  
tem propriè distinctam (secundum Aristotelem præsertim) constituent.*

### Problema III.

*An à Privatione ad habitum detur  
regressus?*

**E**FFatum hoc Aristotelicum in lib. Categor. c. 10 Philosopho-  
rum ferè omnium vox est: ἀπὸ μὲν τῆς ἕξως ὅτι τὴν σέρησιν γίνεται  
μεταβολή; ἀπὸ δὲ τῆς σέρησεως ὅτι τὴν ἕξιν ἀδύνατον: quod ab habitu ad pri-  
vationem



## T E R T I A

vationem quidem via detur, non verò contra à privatione ad habitum; cuius etiam ratio non adeò videtur obscura: Privationis enim natura est tollere formam, quam sublatam recuperari posse, vix est verisimile.

Tamen utut sit, hoc ἀξίωμα non ita ἀπλῶς & absolutè, sed κατὰ τὴν, & cum restrictione quadam acceptandum esse, docent Metaphysici, quando distinguunt, inter ἐξένσιν quæ solum actum tollit, & inter ἐκένσιν, quæ etiam potentiam aufert. Si ergo loquaris de ἐξένσιν ubi actus tantum est sublatum, δυνάμεις verò residua, datur regressio à ἐξένσιν ad ἐξίν, ut à tenebris nocturnis ad lucem, à somno ad vigiliam, à frigore ad calorem, ab oblivione ad memoriam, ab ignorantia ad intellectum, à morbo ad sanitatem, &c. Sin verò de privatione, ubi ipsa quoque δυνάμεις est sublata, seu ut alij dicunt, ubi privatio totalis est, ibi ordinario modo, qui est ex causis naturalibus, regressus ad ἐξίν non datur, ut à morte ad vitam. Quò & illud Icti pertinet: Actio semel extincta non reviviscit amplius l. si unus. §. sed si pactum. ff. de pactis.

Excipimus tamen regressum extraordinarium & ὑπερφυσικόν, quem dari piè credimus & asserimus: quo modo Christus visum cecis miraculosè reddidit: mortuos suscitavit: & omnem morbum sanavit, ut testatur historia Evangelica: quin & nostra olim corpora, in cinerem licet redacta, divinâ suâ potentia in extremo die à mortuis est resuscitaturus, & coronam illam, in altera vita repositam, omnibus fidelibus ἀμείαντων καὶ ἀμείραντων impositurus.

### Problema I V.

### An Naturæ Definitio Animæ & Arti competat?

**B**Imembris est hæc Quæstio: Queritur enim 1. An Naturæ Definitio Animæ competat? & 2. num etiam arti possit accommodari.



*Pro cuius quæstui prioris parte negante maximè pugnat, aliàs minimè simplex Simplicius cum suis asseclis, & his potissimum rationibus I. Quia Natura & Anima diversas habent definitiones. Quorum autem definitiones diversa sunt, illa inter se quoq; diversa sunt. 2. Quia secundum Aristot. 2. Phys. cont. 4. Natura est in subiecto. Anima autem non est in subiecto, cum sit substantia incorruptibilis, æterna, & immunis ab omni nexu materiæ. Ergo Natura dici non potest. 3. Quia Natura est determinata ad unum: vel enim movet sursum, vel deorsum. Anima autem habet multos & varios motus secundum omnes positionum differentias. Ergo non est restricta ad unum Perer. lib. 7. c. II. Hæc sunt fundamenta illa & obiecta Simplicij.*

*Ad quorum primum Respondetur, negando Definitionem Animæ Specie vel Genere diversam esse à Definitione Naturæ: sed ut Natura Genus est complectens Animam: ita generalis Naturæ Definitio Specialem Animæ Definitionem complectitur. Ad secundum dicimus, quod licet Natura in Subiecto propriè ita dicto non sit, in corpore tamen naturali est, tanquam forma in suo formato, eodem planè modo, qui de Anima etiam dicitur. Ad tertium, quod licet Anima, quatenus Genus est, non unius tantum & simplicis motus, sed multorum & variorum motuum causa sit: tamen quatenus species proprios etiam motus habeat. Animæ, verbi gratia, in Genere proprium est nutrire, Animæ verò sentientis, sentire, ubi tamen neq; nutritio est sensus, neq; sensus est nutritio, licet Animæ species sit Anima sentiens. Sic etiam licet Natura & Anima diversos habeant motus, disparatas tamen Species non constituunt.*

*Pro Affirmativa hæc ponimus Anchoras, quarum prima effectus omnis Animæ. Omnis forma dans esse & operari, verè est Physicâ Naturæ definitione cõprehensa. Anima omnis est talis. 2. natura formæ Physicæ. Omnis forma informâs est Physica, & Natura quedâ activa. Omnis Ani-*



Anima est formā s. 3. *authoritas Philosophi, qui l. 8. Phys. t. 27. animalia in sese principii sui motus habere affirmat. Motus a ille fit à Natura nec ab alio principio, quā ab Anima.* 4. *Idem nutritionē, accretionem, & ceteras vitales functiones connumerat inter motus naturales huius dubiē, quia oriuntur à Natura: Oriuntur verò ab An. l. 2. c. 1. t. 1. Connimbr. in locum. Arist. citat. quæst. 4. art. 1.* 5. *Idem Philosophus lib. 2. Phys. t. 13. dicit, quod homo generet sibi simile per formam, quam postea Naturam vocat. Sed forma hominis non est nisi Anima.* 6. *quia corpus animatum est species corporis naturalis. Ergo & Anima erit Species Naturæ, adeoq; Natura de Anima ritè predicabitur univocē. Hippur probl. 15.* 7. *Cui competit Definitio, eidem competit & definitum. Atqui Animæ exactè competit definitio Naturæ: Negari enim non potest, Animam esse principium motus & quietis in eo, in quo inest, primò, per se, & non secundum Accidens Zabbar. lib. de Natura c. 4. Gulielm. Vrsin. disp. 2. quæst. illustr. quæst. 3. pag. 24.*

Posterioribus *Συγμύειν* membrum affirmantes adducere solent Exempla quedam, quæ arti naturalem quandam vim, operumq; naturalium productionem haud obscure adsignant. Qualia sunt. 1. *flamma ex speculo ustorio producta, quæ à Natura produci nequit, quæ Archimedes quondam castra hostium incendit.* 2. *machinarum lignearum volatus, de quo Scal. Exerc. 326. in hac verba loquitur: Volantis columbæ machinulam, cuius authorem Architam tradunt, vel facili me profiteri audeo; naviculam sponte mobilem, ac sui remigij authorem faciam, nullo negotio, ut & volentem aviculam.* 3. *novæ plantæ per surculum in oculatione trunco insertum productio.* 4. *aquæ contra naturam ex imis terræ venis in altissimum tectum elevatio, quæ Archimedi etiam adscribitur.*

*Ex quibus omnibus talis formatur discursus: Qui potest majus, potest etiam minus. Ars sæpe maiora & præstantiora opera edit quàm natura. Ergo etiam minora potest. Minoris veritas constat ex Exemplis antea allatis.*



*Sed ut Alexander Magnus uno ictu nodum Gordium gladio diffecabat: Sic ad Exempla illa allata facilimè, adhibita leni distinctionum aura, Respondere valemus. Nam distingue 1. inter id, quod vi propria aliquid producit, & quod vi communicata, illud est naturæ, hoc verò artis, & ita flammam in fumos & favillas rediget: produci-tur enim illi non mera arte, sed conjuncta cum causis naturalibus, radi-is scilicet Solaribus, quæ multiplicata in ejusmodi speculis per refractio-nem ignem producunt.*

*In 2. distingue inter rem ipsã, & rei modificationem. Res ipsa arte non producit, sed modus tantum productionis, artis beneficio, varia-tur, cui vis operandi, quæ subest, non artificialis, sed naturalis est, & ita columbe ac navicula spontè se moventes, ex naturali materia sunt com-positæ, quam ars ad eiusmodi motum temperavit, argento vivo, & alijs quibusdam machinis, motui huic destinatis.*

*Idem in 3. de plantæ productione est sentiendum. Temperatur e-nim vis tum trunci, tum surculi, & in unam quasi naturam tertiam duo illa congregiuntur, unde demum species nova existit. In 4. demum inter naturam universalem & particularem. Aqua enim ille motus est quidem contra naturam particularem, non verò universalem, quæ in metu vacui animum Elementum cogit alteri succedere, uti suo loco, in doctrina Elementorum, fusiùs dicitur & docetur.*

*Concludimus proinde cum Negativa huius questionis, quæ ex ipsa Naturæ Definitione satis est conspicua. Quia enim Natura Principi-um est motus eius, in quo est, ars verò eius, in quo non est, ut ait Scal. Exerc. 20. manifestum est, Naturæ definitionem Arti accommodari non posse.*

#### Problema V.

*An semen à toto derivetur Corpore?*

**T***antus hîc aperitur campus, qui nec aliquot mensibus perambulari posset: lubet itaq; in illo aliquantulum exspatiari.*

Hippocras



# T E R T I A.

Hippocratis de hoc quasito opinio fuit semen ἀπὸ παντὸς τῆς ἡγρῆς, τῆς ἐν σώματι εἶναι. ab omnium humido, quod in corpore continetur esse deciduum lib. 4. de Morbis & lib. de Genitura, idque probavit rationibus quatuor: quarum prima est vehementia voluptatis, quod in coitu totum corpus oblectetur & voluptate gestiens, quasi convellatur. Unde coitum Democritus parvam appellat ἐπιληψίαν. Secunda est morborum & vitiorum à parēte in sobolem propagatio, quæ id ipsum cōprobare visa est, quod ex claudis parentibus claudi, ex mutilis mutili generentur, unde morbi hereditarij. Tertia, similitudo, quæ est inter parētem & sobolem, ut toto corpore toti similes gignuntur omni ex parte, sic particulatim singulis partibus. Quarta & postrema convenientissima iudicata, ut quemadmodum totum à toto generetur: sic pars quoque qualibet semen habeat parti producenda accommodatum. Cui opinioni fidem etiam facit verisimilem memorabilis illa puelli cuiusdam in Chalcedone historia, qui idem σῆμα Patris brachio inustum in eodem brachio retulit.

Verum has rationes, quibus Hippocrates usus est, Aristoteles lib. 1. de gener. anim. c. 18. quid ponderis habeant, examinat, & multis, iisque validissimis rationum momentis convellit. In 1. argumento docet fallaciam causæ committi. Causa, inquit, voluptatis & titillationis in re Venerea vehementioris est, non quod ex toto secesserit, sed quia prurigo vehemens accidit: quamobrem si quis frequenter eâ re utatur, minus afficitur voluptate. Voluptas item Veneris in fine coitus potissimum est: at si ex toto secerneretur, non ἀμα καὶ ἀπὸ πῶς, sed sensim singulis partibus, alijs prius, alijs post exultaret. Idem vitium in 2. & 3. argumento deprehendit, & multis adductis instantijs ostendit, non morborum propagationem, non externam similitudinem inter parentem & sobolem inde evenire, quia ex omnibus corporis partibus semen secernitur, sed alias huius rei causas esse.

Præcipua autem instantia ista est: Omnis causa per se etiam est causa perpetua, in omnibus similibus effectis locum habens. Iam verò illa



illa propagatio seminis ab omnibus corporis partibus non est causa perpetua. E. Minorem huius argumenti probat hisce Exemplis. Datur similitudo inter parentem & sobolem quoad vocem, ungues & pilos, cuius causa in semine esse nequit, quia non generantur ex semine; datur item similitudo inter nepotem & avum, cuius causa semen non est; datur tandem similitudo inter stirpes, & tamen semen ab omnibus earum partibus non est deciduum. Reliqua petantur ex ipso Aristotele, loco sup. cit. Contra quartum argumentum multis contrariis argumentis pugnat Fernelius lib. 7. Physiolog. c. 2. quæ videantur ibidem.

Audivimus hætenus Hippocratis hac de Controversia sententiam, superest ut nostram patefaciamus. De qua ita statuimus: quod primo in semine sint Spiritus, qui ab omnibus corporis humani membris, maximè tamen principalibus confluant, & colligantur in testibus & reliquis membris genitalibus inq; illis perfectionem ultimam acquirant: nec tantum in viris sed etiam in mulieribus generentur. Deprehendimus enim resectis venis illis, quæ iuxta aures sunt, ex fecundis fieri steriles & infæcundos; quod non eveniret, si nulla seminis portio à capite derivaretur: neq; capitis dolor frequentiore Veneris usum sequeretur, neq; membra libidine nimia exsiccarentur neq; oculorum acies obtusior redderetur, si non virtus quadam & materia in seminis generatione illis subtraheretur. Deinde quod crassiores sint portiones seminis, quæ etiam suo modo ab omnibus corporis partibus demitti dicantur, non quod particula illarum resoluta pars seminis fiant, sed quod portio sanguinis omnibus membris subtracta materiam semini præbeat.

### Problema VI.

#### *An semen sit Animatum?*

**V**aria de hac questione inter Medicos & Philosophos sunt sententia. Hos more Philosophantium in utramq; partem disputabimus, inq; eam lancem, quam ratio putat, aurum insiciemus, hoc est, non ancipitem,



# T E R T I A.

*capitem, non perplexam relinquemus nostram sententiā, sed eam praevalere potius patiemur, quæ maximū pondus rationis habet* Casus l. 3. Phær. Civ. c. 5.

Affirmativam ergo tenere videntur Plato in Timæo, Galenus lib. de marasmo c. 5. Grammaticus de gener. anim. lib. 2. c. 1. Themist. de an. c. 21. Zimara 2. de An. t. 43. Valles. lib. 2. Controv. c. 9. & sequentibus eam probant rationibus: 1. Quodcunque producit generando à vivo, illud vivit. Simile enim generat simile. Atqui semen producit generando à vivo. Ergo & semen vivit. 2. Quodcunque habet viventis facultatem, illud vivum esse necessarium est. Atqui semen habet facultatē vivētis; habet n. δύναμιν πλαστικὴν. Ego vivit.

Ad opposita argumenta, & ad primi quidem Minorem Respondemus cum Iac. Martini Exerc. Nobil. περὶ τῆς ψυχῆς ο. theorē. 3. quod generans in generatione univoca nō producit semē ut genitū univocum: Sed ex semine tanquam à materia gignat sibi simile. Semen enim non est terminus generationis, sed fœtus qui oritur ex semine. Simile igitur generat simile, adeoque vivum producit vivum, quando de perfecta generatione & absoluta, itemque simile productū de ultimo generationis termino intelligitur; ut in generatione hominis ultimus generationis terminus non est semen, sed infans. Non igitur semē sed infās vivit & homo est, adeoque similis existit causæ effectrici & procreatrici.

Ad secundum dicimus quod δύναμις illa πλαστικὴ in semine latens non sit propriè facultas animæ completa, quæ ipsam animam tanquam principium suum conservans semper præsupponat, sed sufficiat, si δύναμις illa ab anima in semine sit excitata & producta.

Contrariam negantem sententiam, eamque veriore defendunt Arist. lib. 2. de Anim. t. 10. & lib. 2. de gener. anim. c. 1. ubi semen non actū, sed potentia tantū animatum sive vivens est expressè dicit. Conciliator diff. 48. Conimbr. l. 2. de Gen. & Corrupt. c. 4. quæst. 26. & confirmant hunc in modum. 1. Nullum excrementum vivit. Semen est excrementū, at utile, ut ex Definitione τὸ σπέρματι & locis Arist. l. 1. de gen. an. c. 18. l. 2. de gen. an. c. 4. & ib. l. 4. c. 5. manifestū est. Ergo semē nō vivit

Minor



*Minor probatur ulterius eleganti inductione : Quicquid in corpore continetur, aut pars corporis est, aut alimentum, aut colliquamentum, aut excrementum. Semen pars corporis non est, quia ex eo permanente nihil constituitur Laurēt. lib. 8. quæst. 3. adde quod si pars esset, quoties effunditur semen, toties mutilum redderetur animal. Non alimentum, neq; enim excerneretur. Multo minus est colliquatio : nam colliquatiores est præter naturam : Semen quiddam naturale. Erit Ergo excrementum.*

*Quod ipsum etiam tribus probat rationibus Curs. Phil. Franc. lib. 2. de an. quæst. 12. I. Nulla pars est potentia totum. Semen verò est potentia totum, ut habet Albertus Magnus l. 2. de anim. tract. 2. c. 7. 2. Pars non separatur à toto sine dolore. Semen separatur cum delectatione. 3. Nulla pars discinditur à toto. Semen sequestratur à toto corpore. II. Omne vivens nutritur Arist. lib. 2. de Anim. c. 4. t. 34. Semen non nutritur, quod in plantarum seminibus domi reservatis ad sensum & oculos patet. Ergo semen non vivit.*

### Problema VII.

#### *Virtus an insit à Natura ?*

**A***ffirmativa Platonis est in Menone & Socratis, qui virtutes nobis congenitas & connatas esse dicebant : verum ex immersione animæ in corpus offuscari, sicq; obliterari, ut assiduâ operandi consuetudine eas detergi, & nativum decorem recuperare necessum sit. At dixere ! rationem apposuerunt nullam ! hominum opinione constat. Opinio autem non efficit. Scal. Exerc. 18. & in nuda narratione subtilitas nulla Scal. Exerc. 52. nec mirum est ex falsa hypothesis falsa deduci Scal. Exerc. 274. Cum ex illis falsa etiam facillimè consequantur, & tanquam ex equo Duratæo prodeant, aut Pandora Hesiodæa prorumpant.*

*Nostra, Veritatis equilibrium tenens cum Philosopho, Negativa*



# T E R T I A

tiva est, his freta rationibus. 1. Quicquid per naturam nobis inest, illud nullâ assuefactione mutari potest. Axioma hoc est Aristotelis lib. 2. Eth. Nic. c. 1. ὁ δὲν τῶν φύσει ὕτων ἄλλως ἐσθίζεται. Cujus veritatem Exemplo Lapidis & Ignis declarat: Exemplo enim constituto etiam planior fiet per descriptionem difficultas Scal. Exerc. 52. Lapis enim qui naturâ vi gravitatis suæ deorsum fertur, nullâ ratione assue fieri potest, ut naturalem illam inclinationem dediscat, & ultrò sine externa vi impellente sursum moveatur, si vel millies iterumq; millies sursum projiciatur. Sic ignis in cavernis terræ conclusus propter naturalem suam levitatem, quacunq; rimulâ oblatâ ad superiora loca prorumpit, nec unquam, ut inferiorem locum petat, institui potest.

Vnde rectè & verè olim Horatius cecinit lib. 3. Epist. 10.

Naturam expellas furcâ, tamen usque recurrit,

Et mala perumpit furtim fastidia victrix.

Et Juvenalis Satyra 11.

————— tamen ad mores Natura recurrit  
Damnatos fixa, & mutari nescia.

Atqui Virtus moralis assuefactione mutari potest: Videmus enim in ijs, qui virtutis habent habitum, si vitiosis actionibus indulgeant, illo amisso, vitiosum contrahere habitum, & vice versa, qui vitijs sunt imbuti, assidue benè agendo iisdem valedicere & virtuti studere posse.

2. Quacunq; naturâ insunt, eorum potentia ipsi artibus & operationibus sunt priores, ut potentia videndi & audiendi prior est ipsâ visione & auditione actuali. At in Virtutibus moralibus contrarium est verum: actiones enim virtutis habitum eiusdem præcedunt, cum habitus virtutis per crebras actiones nobis ingeneretur, non secus ac crebrò iteratis actionibus pulsandi Cytharam solemus fieri Cytharadi.

3. Quacunq; naturâ insunt, de iisdem haut leges sunt ferendæ, cum nec in melius, nec in deterius mutari possint, sed eodem semper se modo habeant. Atqui de virtutibus ut & de vitijs plurimæ feruntur LL.



Ergo &c. Sed quò progredimur? manu serendum non toto sacco: vel unica ratio huic sententiae satisfacere potuisset.

Problema VIII.

*Quanam vera Virtutis Forma?*

**N**eq<sup>3</sup> hinc exustus litium fomes. Diversa enim in capita circa genuinam & accuratam Virtutis formam scinduntur Philosophi, quod fieri in re tam perplexa necessum est, ubi difficultas affert secum excusationem Scal. Exerc. 307. sect. 21. Sed quid? absterrebit nos rei difficultas, quò minus hinc quoq<sup>3</sup> insanire audeamus? Scal. Exerc. 52. Minimè gentium: inquirenda nobis est τὸ προβλήματα discussa enodataq<sup>3</sup> perdifficilis ratio.

————tentando ad Troiam veniére Pelasgi:

Sic nos ad Veritatis, abstrusæ licet, portum perveniemus: & si non usq<sup>3</sup> adeò feliciter procedit navigatio primâ, utendum est secundâ; &

Cui non dantur flores, ille accipit herbas;

& Proci Penelope qui potiri non poterant, illi se cum pedisequis & ancillis quadratis & rusticis interim suaviter oblectabant. Sic nos etsi formis potiri non poterimus, arripiamus licet effecta & accidentia, sat est.

Quadruplex autem potissimum hac de questione circumfertur opinio: Equa prior? Prima privationem extremorū. 2. Congruentiam cum re & a ratione. 3. ὁρθότητα vel rectitudinem. 4. deniq<sup>3</sup> mediocritatem, eamq<sup>3</sup> vero similiorem Virtutis formam indigitat: Cui & nos prioribus missis jure merito subscribimus.

Nam 1. quod Virtutis forma non sit privatio extremorum, nempe exsuperantia & defectus, probari facile potest 1. quia Entis positivi formam quoq<sup>3</sup> oportet esse positivam, quâ aliàs forma & formatum convenirent? quâ posset privatio positivum eicere largiri, cum ipsa in se positivi nihil habeat? quo n. aliquid caret, illud alteri cōmunicare nequit. 2. Privatio & habitus sunt species oppositæ & contradistinctæ. Nullum autē oppositum sui oppositi forma est. Tollunt n. se opposita, non ponunt, minus constituent. Cum ergo virtus sit habitus, utiq<sup>3</sup> privatio, quæ ha-

bitus



T E R T I A.

bicui opponitur, Virtutis forma nequaquam erit. 3. Privatio refertur inter non Entia, quia caret essentia positivâ; habet rationem mali, quia re tantum bonâ propriè privari dicimur, & naturam non perficit, sed destruit vel interficit. At omnia contrario se habent modo in Virtute. Ens est; bonum est; natura perfectio est, non destructio. Quare hinc concludo, Virtutis formam non esse privationem.

Sequitur sententia 2. quâ congruentia cum ratione recta virtutis forma statuitur. Verum esse non posse, hanc damus rationem. Congruentia formaliter sumpta nihil est aliud, quam relatio: notat n. commensurationem vel μέτρον, quæ est inter normam & normatum, mensuram & mensuratum. Nulla autem relatio potest esse forma Entis absoluti, quale Virtus est, quia sic Prædicamentis differrent constituens & constitutum. Concludo igitur ipsam congruentiam formaliter sumptam Virtutis formam vel differentiam accuratam non esse.

Tertiam quod spectat opinionem, quæ ὁρθότητα & ἐννομίαν vel rectitudinē legi naturæ consentaneam Virtutis formam nuncupat, eam aliquo modo tolerari posse arbitramur. Μεσότητα enim Philosophus ipse quia in definitione Virtutis, ut & 1.6. Eth. c. 1. & 5. rectitudini equiparat, dum eam, ὥς ὁ ὀρθὸς λόγος λέγει καὶ ὀρίζει, instituendā esse monet, quantum à rectitudine absit, vix apparet, ut ita pugna nō λόγος sed λόγων potius esse videatur.

Subductis nunc & remotis opinionibus cæteris manet Quarta & ultima Virtutis forma, Mediocritas, quam cum omnibus penè in Peripato deambulantibus ut inconcussum Phæbeæ veritatis oraculum osculamur & acceptamus.

Doctor n. & Choragus noster, cuius vestigijs καὶ πόδα insistimus, Formam Virtutis μεσότητα, seu Mediocritatem statuit. Ita n. definit lib. 2. Eth. c. 7. & lib. 1. Magnor. Moral. c. 4. δεῖ τὴν ἑστὴν ἕξις προαιρετικὴν ἐν μεσότητι ὅσα τῇ πρὸς ἡμᾶς ὀρισμένη λόγῳ, καὶ ὥς ἂν ὁ Φρόνημα ὀρίσσει. Virtus est habitus electivus in Mediocritate consistens quoad nos relata & definita, sicut vir prudens eam definiret. Vnde assertionem nostram probatam damus. 1. Cuiusq; omnia veræ formæ officia competunt, illud vera forma sit necesse est: res enim ex officio dignoscitur, & quicquid id non agit, quod debet vel potest agere, otiosum est & frustra Scal. Exerc. 6. sect. 9.



At hæc omnia, qualia sunt largiri rei essentiam, re ab alijs distinguere, operari, &c. quemadmodum pulcerrimè partitur Dn. Præses, Fautor meus singularis, in doctrina de Morib. disp. 3. theorema. 5. Mediocritati quadrant. Erit ergo vera virtutis forma. 2. Quæcūq; excessu & defectu corrumpuntur, illa Mediocritate conservantur & generantur. Atqui Virtutes excessu & defectu corrumpuntur. Ergo Mediocritate conservantur, & per Consequens essentia Virtutis in Mediocritate consistit. Plura qui desiderat, consulat Aegid. Strauchium in Illust. Quæst. Ethic. Cent. Prior. Decad. 5. quæst. 4.

Problema. IIX.

Potentia an actu prior?

**Q**uod in distinguendo segnities omnis abesse debeat, propterea quia distinctio congrua & legitima adiumentum afferat ad perspicuitatem significationis illius, quod multiplicis est acceptionis, ac qua prætermissa & posthabita confusione latissimus aperiatur campus, rectè monet Philosophus l. 2. Elêch Soph. c. 2. & l. 6. Top. c. 2. Quocirca, ne in ambiguo & circa hanc questionem laborare videamur, opera alicuius esse videtur, paucis varias Prioris acceptiones aperire. Vel n. unū prius est alteri ratione sive definitione, vel perfectione sive substantia, vel bonitate & malitia, intelligentia & tempore Arist. 9. Meta. c. 8.

Rationes pro Actu adferemus certissimas, & evidentissimas. Primum igitur quod Actus potentia Definitione sit prior, probatione prolixiore vix indiget, cum potentia definiatur per Actum. Iam verò illud est certissimum: Per quod aliquid definitur, eo esse prius. Sicut animal est prius homine definitione, & Subiectum Accidente &c. Ergo Actus erit prior potentia secundum definitionem. Sed obijciat hic fortasse aliquis, contra Aristotelis hoc argumentum, eadem ratione effici posse, potentiam priorem esse actu: cum actus per potentiam similiter definiatur, idq; ex eo, quod actus & potentia sint Relata. Is, ut eadem, quæ ante, inculcem, memor sit illius Arist. l. d. & Keckermanni l. i. contemplat. c. 2. & ἐν τῷ τὸν τὸ δὲ αἰετὶν, & repetat, quomodo Actus & Potentia sumatur ut rela-



# T E R T I A.

*relata. Nam & aliàs etiam illud rectè obijcietur: Si actus & potentia sunt relata: relata autè Species Entis, quomodo fiunt Entis affectiones?*

*Dicimus itaq; cum Verfore ex l. 9. quaest. 4. p. 161. & Cornel. Martini ex Comment. Metaph. p. 96. duob. modis accipi actū & potentiam: uno modo pro ipsis intentionibus actus & potentiae respectivè consideratis, & eo modo relata sunt: altero modo pro illo ipso, quod est actus & potentia, & sic non sunt relata, sed ex eorum classe excluduntur, & in omnia genera disperguntur.*

*Dicendum proinde ad Objectionem, actum in eo, quod est actus, non definiri per potentiam: puta, cui attribuitur etiam potentia, id non fieri in quantum est actus generaliter, sed quatenus hic vel ille est actus. Cum n. omnis actus potentiam non habeat, sed aliquis tantum, & ita nonnulli eà destituantur, ἀτοπov & absurdum videbitur omnem actū per potentiam velle definire. Nostra autem definitio fit per privationē potentiae. At potentia, in quantum est potentia, debet definiri per actū, sine quoq; neq; esse, neq; intelligi potest. Et hoc primū, quod probare intendit Aristoteles, actum priorem esse potentiā ratione sive definitione.*

*Deinde perfectione actum priorem esse potentiā, satis manifestè ex ipsis Aristotelis verbis patescit: Quia n. inquit, generatione sunt posteriora, ea specie & Substantia esse priora: sicuti vir puero, & homo spermate sit prior: illud n. jam habet speciem, alterum autem nequaquam. Atqui actus est generatione posterior potentiā. Ergo est prior perfectione. Legant, qui volunt, ipsum textum lib. 9. Metaph. c. 8. & Iac. Martini lib. 1. Exercit. Metaphys. Exerc. 3. theorem. 14.*

*Tertiò bonitate & malitia actum priorem esse potentiā, demonstrari potest hac ratione: Quodcumq; simpliciter bonum aut malum est, illud prius est eo bonitate & malitia, quod est secundum quid bonum vel malum. Atqui actus in bonis est simpliciter bonus, & in malis simpliciter malus: Potentia verò & n. vel secundum quid: non enim dicitur bona vel mala, nisi quando ordinatur ad actum bonum vel malum: per se verò est indifferens ad bonum & malum. Ergo etiam prior est bonitate & malitia quam potentia.*



Quartò intelligentiâ sive cognitione prior est actus potentiâ. Nam quod magis habet rationē Entis, id magis cognoscitur. Sed actus magis habet rationem Entis, quàm potentia. Ergo & cognitione prior. Deindè illud prius alio dicitur intelligentiâ, circa quod consistit veritas aut falsitas magis, quàm circa aliud. Sed veritas & falsitas consistit circa actum, compositionem nempe & divisionem intellectus, quæ sunt actus, & nō potentia. Ergo & actus erit prior intelligentiâ, quā potentia.

Tandem etiam tempore actum potentiâ priorem esse affirmamus, modo in diversis rebus actus & potentia conferantur. Nam si in uno & eodem subiecto fiat collatio, quod aliquando est in potentia, quæ actuari debet, omninò potentia est prior actu tempore. Est n. potentia via ad actum, itaq; perficitur actu. Hinc omne quod fit, fit ex aliquo, quod est in potentia. Sic gallina in potentia ovi, prior est tempore, quàm actu. Si verò in diversis subiectis fiat collatio, aliter se res habet.

Quando igitur questio est: An actus simpliciter sit prior potētiâ? non intelligimus in eodem subiecto, id est, non querimus, an hic actus suâ potentiâ fuerit prior? an hac gallina prior sit hoc ovo? sed tali nulla consideratione particulari sive Individuali, actum in genere cū potentia simpliciter intellecta comparamus, atq; secundum Aristotelē ita concludimus, talem actum potentiâ esse priorem, & talem gallinam tempore priorem esse ovo, in quo datur potentiâ gallina. Esse autem id verum ex principio, quod ex Aristotelico tex. l. 9. c. 8 proferimus, patet perspicuè: Cum n. nihil reducat ex actu ad potentiam, nisi ab Ente existente in actu. Si aliquod sit Ens existens in potentia, id ab alio Ente actu existente in actum reduci debet, cum nulla potentia seipsam actuare possit. Tantum etiam de hoc Problemate.

Problema X. & ultimum.

*Quot sint Passiones Entis?*

**U**Nō verbo. Sex vulgo numerari solent transcendentia: Ens, Vnū, Res, Aliquid, Verum, Bonum. Ex quib. quinq; Entis passiones (ita n. cū Metaphysicis nominari libet) sive affectiones videtur colligi, propterea, quod tot eius sint attributa, & nō plura vel pauciora. *Ves.*



# T E R T I A.

*Verum obstat huic argumento Respōsio, qua est per Negationem. Non n. necessario constituuntur tot affectiones unitæ & universales, quot dantur termini cum Ente convertibiles: Quidam enim sunt tantum ex diversa Etymologia & impositione vocis: Quidam verò ut hiæ tres, Vnum, Verum, Bonum significant distinctas passiones. Quia itaq; Res & Ens tantum Etymologiâ & vocis impositione distinguuntur (hoc enim ab esse, illud à quidditate reali sumtum est) Ergo Res nō constituit peculiarem Entis affectionem. Idem statuendum est de Aliquid, quod perinde est, ac habens quidditatem aliquam, in qua significatione ei contradictoriè & privativè Nihil opponitur. Cum autem Nihil sit idem, quod non-Ens, vel non habens Entitatem sive quidditatem, quilibet intelligit, in hac significatione Aliquid nō affectionem Entis, Sed eius Synonymum esse. Legatur Fonf. l. 4. Metaph. c. 2. q. 5. sect. 2.*

*Vnde pro questionis huius resolutione cum Suaretz. disp. Metaph. 3. s. 2. disp. 3 dicimus, si propriè loqui velimus, & non fingere distinctiones minus necessarias, tria duntaxat esse propria Entis πᾶθῃ Vnū, Verum & Bonum. Rem n. cum Ente coniungendam, & Aliquid ad Vnum referendum esse, sequentibus manifestum evadet rationibus.*

*Affectiones autem Entis proprias tantum tres esse, probamus 1. ab illorum omnium autoritate, qui de Metaphysica hac scripserunt materia: omnes n. has tres tantum enumerarunt, ut manifestum est ex Thoma 1. part. q. 5. 11. & 16, qui licet in locis allegatis sex transcendentium sufficientiā declaret, eius q; rationem reddat: tamen in explanationibus particularibus tantum de illis tribus tractat. Alteram probationem sumimus ex communi concipiendi modo, nec non significatione ac ipsarum vocum interpretatione. Nam Vnum quatenus Vnum solum significat, quod res sit indivisa, unde formaliter Enti negationem addit quo à Vero & Bono distinguitur. Hæ autem inter se discriminantur: Verum dicit ad æquationem vel habitudinem ad Intellectum: Bonum autem ad Voluntatem seu appetitum, tãquam illi conveniens, sive hoc dicat formaliter sive fundamentaliter. Hæ verò sunt habitudines seu rationes valde diverse. Quod etiam à con-*



*trarijs facilimo negotio declarari potest. Vnitās n. opponitur multitudi. Bonitas malitiā: veritas falsitati, hæc autē valde distincta sunt.*

Rem præterea cum Ente conjungendam esse, firmis cōstat rationibus. Rem enim ipsam Entis essentiam & quidditatem esse & denotare dicunt, unde ita argumentamur; Quodcunque significat essentiam & quidditatem Entis, illud non significat affectionem Entis, sed prædicatum maximè quidditativum Entis. Atqui, iuxta Avicennam, qui cæteris tribus Rem & Aliquid addidit, vel addidisse perhibetur, Res significat essentiam sive Quidditatem Entis. Ergo significat prædicatum quidditativum & non affectionem.

Deinde juxta communem loquendi usum Res & Ens sunt Synonyma. Tertiò omnis passio cum illo, cuius est passio, adjectivè coniungi potest & debet, hoc est, denominativè de suo subiecto dici, ut corpus nigrum, album, &c. sic Ens Bonum, Verum, Unum. Atqui Res cum Ente adjectivè non coniungitur, sed quidditativè, sive in quid prædicatur, ut Ens est Res. Ergo Entis affectionem non exprimit, sed potius, uti diximus, prædicatum quidditativum. Idem quoq; de τὸ Ἄλ τι Aliquid statuendum est. Audiens enim vocem Aliquid, statim Rem concipit, quæ non sit omninò nihil, sed habeat quandam essentiam. Et hæc τὸ ἐποβληµατικῶς de præsentī Velitatione, quam & hic,

Cum sit tempus equūm spumantia solvere colla, suā adorno Coronide: Soli autem Deo simplici, in quo nihil in potentia, sed in actū omnia: imò qui solus purus, primus, medius, ultimus actus, referente Sc. Ex. 6. f. 2. sit laus, sit gloria sēper.

Vt uberior disputandi campus pateat, sequentia adnectantur πύσµατα.

1. An Disputationes probandæ sint, an minus? D.
2. An inutilia illa & noxia animalcula, qualia sunt pediculi, pulices, lumbrici, &c. quæ hodie exputredine enascuntur, ad primum Creationis Sextiduum sint referenda? A.
3. An in Sole, Stellis, alijsq; lucidis corporibus reipsa sint radij? N.
4. An qui partem umbilico subiectam breviorē habent, quam superiorem ad pectus pertinentem imbecilles sint viribus & brevi vita? A.
5. Cur iracundi ferè qui pusilli?
6. An dentes post editum fœtum primò generentur? D.
7. An rinnitus aurium fiât propter aliorū sermones de nobis & judicia? N.
8. An ignorantia excuset delictum? D.
9. An liberi magis parentes diligant, quàm hi liberos? N.
10. An liceat exercere opificia, quibus præparantur instrumenta pro necandis hominibus? A.